



Л.

Письмо Драговичского братства къ Перемышльскому со вложеніемъ
денегъ „на потребу сеймовую.“

1627 г. окт. 19.

Благочестія рачителямъ и благимъ подвижникомъ добръ подвигающимся въ ополченіи стяготого правовѣрія, ихъ милостямъ и. паномъ въ союзѣ любовнымъ милости братства древняго, купно братіямъ всѣмъ Богомъ спасаемаго града Перемышля, храму святыя, живоначальная и нераздѣлимая Тройцы пребывающимъ.

Мы такожде братія града Драговича о Господѣ радоватися вашимъ милосцямъ желаемъ. За ревность и тщаніе по благовѣріи, еже любовь ваша, яко адаманти твердии имѣете. Кормчій небесный Спаситель Христосъ корабля своего суши, еже есть церковь его, которая, по Златоусту, всегда влается, а не погружается,—той самъ всякие волны востающие ва корабль его да утѣшить и В. М. яко вѣрныхъ храбровъ непоколѣбимыхъ да укрѣпить, якоже обѣщался: „идеже бо, рече, два или три собраніи во имя мое ту есмь посредѣ ихъ“. И паки: „Азъ есмь съ вами во вся дни до скончанія вѣка“. И одолѣти благодатию своею всѣхъ супостатовъ да сподобить, и вѣнцемъ правды яко побѣдителей да вѣнчаетъ.

Што мы, ведлугъ писаня В. М., на потребу сеймовую посылаемъ пятнадцать злотыхъ, кгдышъ вѣдаемъ же того есть потреба, которые просимъ ласкове В. М. рачте пріяти. Ознаймуемъ тежъ В. М., же писане В. М. до Стрыя отдалисмо, отколь и до сего часу вѣдомости жадное не маємъ. Притымъся въ милость и ласку вашихъ мосціовъ, пановъ своихъ, отдаемъ. Данъ зъ Драговича, Октябрврия 19 дня року Господня 1627.

В. М. небесныхъ и земныхъ благъ присные жители братія вси града Драговича.

(Съ подлинника, находящаюся въ Архивѣ Перемышльской униатской собора Іоанна Крестителя.